

شعرا

البحر بيّفكرنى بيك

نجاته قطره

الطبعة الأولى

الكتاب : البحر بيفكرنى بيك

المؤلف : نجاه قطب

تصنيف الكتاب : شعر

تصميم وإخراج : أحمد عبد الحليم

المقاس ٢٠ × ١٤

رقم الإيداع : ٢٧٠٧٧ / ٢٠١٥

الترقيم الدولي : 0 - 155 - 776 - 977 - 978

دار يسطرون



طباعة وتوزيع الكتب فى جميع أنحاء العالم

المكتبة والطبعة : ٣ ش صفوت - محطة المطبعة

شارع الملك فيصل - الجيزة

جمهورية مصر العربية

٠١١٥٧٧٦٠٠٥٢ - ٠١٢٢٩٣٠٠٠٢٩

مدير الإنتاج : أحمد عبد الحليم

المدير العام : أحمد فؤاد الهادى

رئيس مجلس الإدارة : عماد سالم

بريد إلكترونى : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

الإهداء

إلى سر حياتي
العزيزات بناتي
أهدى لهن نبضاتي

نخلة قطب

اتحررك

اتحداك رغم البعد

باعيش جواك

اتحداك مهما بعدت

بعيد عن عيني

انك دائما راح تلاقيني

رغم البعد

باعيش جواك

مهما حاولت تهون امري

ومهما حاولت تخيب ظني
هافضل كده ولآخر عمري

رغم البعد

باعيش جواك

كلمه وبقولها وعارفه باني

اقرب من رمشك للنفي

وأقرب من نجمك لسماك

انا وبجد حنيني ماليني

رغم البعد

باعيش جواك

انا على شوقك عندي أدله

تثبت اني النور والضله

مهما تتوه ولا تعاند
قلبك ليا انا بس لوحدي
مش هايحب بشر من بعدي
ولا راح يشغل بالك قدي
وأتحداك
رغم البعد انا جواك

اوارى عليك

روحي فيك
وأداري عليك
سنين اشكي
مرار بعدك
وأداري عليك
أنا واصحي
في ضي عينيك
وينده لك

حنيني إليك
روحي فيك
تنده لك
وتبعت لك
كثير سلامات
يغني الطير
وينده لك
عشر مرات
تعدى النسمة
وتقول لي
كثير حكايات
يا قلبي مانت

روح قلبى
ونن العين
وأتمنى أعيش
العمر يبقى اتنين
وروحى التايهه
تنده لك
يا عمرى ما أنت
نن العين

اصرف

اصرخ بعلو الصوت

وأقول موجوع

ماهو الوجع

مصاحبني

ملازمني

في ليلي ونهارى

ولا أقول مقهور

ما القهر بقه

حته منى

موصول

ومرقع زى توبى

ولا أقول مكسور

مانا ضهرى

مكسور

ومحنى

زى عمودى

ياناس يابشر

مين یشیل

المر من قدامى

من كتر ماشرپته

بقى مر علقم

ومرارى

اعزرنی

حرکت قلبی وعواطفی
جوا برکان المشاعر
والتقیة نفسی باحبك
ویا احساسی كشاعر
قلبی ماعاد هو قلبی
والسهر أصبح طریقى
ابتدیت أشعر بحبك
جوا قلبی جوا ذاتی

كل نبضه جوه قلبى
غيرت مجرى حياتى
فى الخفا ساكن فى قلبى
مانت حى ومش نصيبى
انده اسمك يا حبيبى
عاوزه لو تسمعها منى
او تكون جنبى تواسينى
لى عذرى لو خبيت شعورى
باهوى من غير عتاب
بص فى عينى ثوانى
تلتقى مليون جواب
كلها بتقول باحبك
دى الحقيقه مش سراب

اعشق ترابك

اعشق ترابك يا حبيبتى
ياللى انت سكنى ومدنيتى
اصل التاريخ والحضارة
يابنت النهر بامارة
ياست الحسن انا منك
ولمحه فى ربيع سنك
وعايشه فى قلبى اكمنك
زرعت نبتى وأصولى

ياساكنه قلبى وإحساسى
وانت عزوتى وناسى
ياصاينه العشره بالمعروف
ونيلك للعليل موصوف
ياقايده فى الظلام نورك
ماينساش التاريخ دورك
ياست الحسن يامصهله
نظرة عنيكى مكحله
متزينه ومتلونه
نبض الشوارع دندنه
شعر وفن وسلطنه
ياحبيبتى يااجمل جوهره

البحر ييفكرني بيك

البحر يفكرني بيك

نظرة عينك الصافية

تشبه ميته

هدوءك اللى مختلط

بالانفعال

لكنه بينقط جمال

ساعات احس

انك خلاص

مش طابق حتى كلمتى

لكن فى لحظه تتمحى

كل الظنون

ساعة ما اكون بانزف

آهاتى ودمعتى

البحر بيفكرنى بيبك

ساعة ما كانت نظرتك

مجنونه

من كتر الحنان

البحر برضه نظرتة

فيها الجنان

ايام باشوفك فرحتى

وساعات احسك
تدبح في الامان
تتصور
اني باحب البحر
واعشق قسوته
واحب صورته ونظرته
مع انه زارع
جوا نبض القلب شوك
لكنى باحبه
علشان حقيقي
البحر بيفكرني بيبك
وعطشانه لحضن البحر
يديني الامان

أُمُّ الْأَصَالَةِ

يا أم الإيدين متكتفين
والدنيا وخداك
مش عارفه فين
جواكى مرار عارفاه سنين
ضامه الوجع
حاضنه الأنين
لاف يوم راح انسى كلمتك
ولا نبرة صوتك الحزين

ولا انى ممكن
انكسر للريح
واطاطى للبشر
لو هو مين
الدمع جوا عنيكى
الاسى جوا الانين
ياشمس تتحدى
الغيوم
نايمه على حجر الوجع
وعنيكى تايهه
ف بحر هموم
مستحمله سن الألم
اللى يقطع هدمتك

تتوجعي تتألمي
وتخبي وجعك
تحت طرحة ضحكك
مع ان اولادك شداد
لما يعوزوا يقدروا
ويكسروا ضلوع العناد
كل الأمانى والتمنى
الشهامه
الأصالة
كلها بعدك عدم
تاريخ كبير شايله
على اكتافك سنين

جروح بتترف
بالمرار
لو هاقعد اكتب
قصتك
مايكفي عمري
ولا حتى آخر دنيتك
باحلم أعيش
لحظه وحيدہ
في جنتك
تكفيني آلاف
السنين
مع نظرة عينك
الطيبين

أُنْيَات

أمنى النفس
بوجودك
وشوقى واقف
على حدودك
قلبي هام
بوهم وصالك
اتاك القلب مناديا
يرجوك وصلاً

يناشد بالهوى

قلب المحال

وجدت قلبك موصداً

صعب المنال

وعندى الحب إحساس

ونبض أذاب الصخر

في أعنى الجبال

عشت خيالاً محالاً

يملاً الوجدان

وحلقت بخيالي

وعشت معه

كل الحنان

كان لى يوما عشقاً
يملاً كل الكيان
وتراءت بخيالاتى
كل روايات الحب
عبر الأزمان
وظللت أهيم بالوجود
مع حب لاينام
أنام الليل
وقلبى فى سقام
بداء الحب
يهذى بالمحال
وهو مازال لى العشق

وكل الغرام
وها أنا وماتبقى من رفات
هاهى الآن صارت
أمنيات

أُمِّي يَانْبِيعُ الْحَنَانِ

امى يانبع الحنان
حاضنه القلب من زمان
مين قال ملامحك تتنسى
وانتِ اللى ساكنه دنيق
صورتك قصادى فى نظرتى
وملامحى وسكتى
أمى ياكل الحكاوى
أمى ياكل الغناوى

انت أحلامى وآمالى
كل عام وانت الاصيله
واللى حضنائى بجناهما
كل صبح وكل ليله
ألقى حبك جوا دمي
يجرى جوايا يامى
لما غبت الدنيا غابت يامه منى
يااللى كنتِ شايله المهم عنى
مين كان يصدق
انك فى لحظه تودعى
ولا تسمعى
صوت الاذان

وانت اللى كنت تسمعى

قلبي اللى دايمًا

يشتكى لك م الزمان

وتطمئني بدعوتك

وف ضمتك

ألقاني غرقانه حنان

أمى يانبع الأمان

بيت العز

يا بيت الأهل والأحباب

ليه الحب بعدكم غاب

والقلوب ملاحها

الجفا والسراب

يا بيت العز والأحباب

دا القلب في بعدكم

رق وداب

ابكى عليك يا زمن

ولا ابكى على مين
بعد مارا حوا الأحبه
والدمع مالى العين
والقلب ياما اشتكى
كثر المرار والأنين
مالقتش غير الجفا
والقسوه بدل الحنين
من ناس نسوا معنى الوفا
والحب كمان ناسيين
والجرح ماله دوا
من هجر ناس قاسيين
باعوا برخص الثمن

لو إهمم غاليين
مجروح وقلبي انكوى
واشكى عذابي لمن
يارب بايدك الشفا
تداوى قلب المجروحين
وتعدل حال الزمن
وتغير قلب
نبضه حزين

جان

وجنوني حكاية عشقي
بتشغل قلبي و عيوني
وتدخل جوا تكويني
خيالي حنانك شيء
احلى شيء شفته
في حياتي
قلبي يدوب فيه
ويفرح

فكرى هام مع خيالى
جوا عقلى وف وجدانى
الكلام يعجز فى وصفه
مهما أكتب فيه وأوصف
فكرى يهرب
وجدانى صاحى
حركت فيه سكاتى
شطك أمان
بجرك حنان
وانا اللى غارقه
من زمان
أشوف طيفك

يحييني

قبل الأوان

ياقلب صافي دفته

بر الأمان

ياصبح دافي طلعتة

يحيي المكان

الشوق في قلبي

من زمان

عطشان حنان

خلص الكلام

لسه جاى تقول باحبك
هاتلاقينى مش باجاوب
السكوت دا غصب عنى
والهروب عن ذهنى غايب
مين فينا هو اللى اتظلم
فى الحب ولا حسش عذاب
انا مش هاقول مين السبب
وابدا معاك تانى العتاب

قلبي ياما عليك قلق
وانت بادي بالغياب
يا جار حنى بقسوتك
قلبي كان حبك وتاب
خلص الكلام الحلو
وفي طعمه المرار
خلص الكلام الحلو
ومليت انتظار
تعبت من كثر الكلام
اللى انت بتقوله وتنسى
وشبعت من جمل الغرام
وبعدها ألقاك بتقسي

قلبي حبك واشتكي
ظلمك وغدرك
بس رافض يخذعك
ويقول هاسامحك
هانسي الحب زمانه وناسه
وانسي الدنيا بدون تفكير
قلبي الصابر راح يتغير
فين حتلاقي لقلبي نظير

لا يا حبيبي

لا يا حبيبي وألف لا
عذبتني والقلب كان
فاكر ك ملاك
تأمر وتنهى
ينشغل تاني بهواك
بنار هيبك ينكوى
ويقول فداك
يعيش في حيره وينتظر

لحظة رضاك
عايزنى اصبر ع الجفا
وانت جارحنى
لا يا حبيبي مش أنا
أرجوك سامحنى
قلبي اللي حبك وانكوى
قال لى وصارحنى
ازاى تعاتب فى الهوى
إنسان بايعنى
أسفه مش ح اقدر
أسامحك
أو فى يوم أزعل وأغير

ياما شفت الغدر منك
والعذاب ألوان كثير
لما شفتك ويا غيرى
والقبل بينكم سفير
إياك تقول كان ضعف منك
أو تقول كان غضب عنك
مش ح اكذب يوم عنى
ولا أقول نزوة شيطان
ح أرفضك من كل قلبى
مش راح اديلك أمان
ياللى كان حبك حياتى
ح أرفضك من كل قلبى
بعد ما خسرت الرهان

مالکشی فی الطیب

بأيديك طلعت القمر
ياما خدي لي الليل والسهر
وبأيديك قلبي انقهر
يا عين كفاني نظر
ماعدت اقدر اتحمل
فقلبي مش حجر
قلبي من قسوة مرارك
ساب ضلوعي

وعاش وحيد
واللى كان ساكن وریدی
ساب وریدی
وراح بعيد
معقوله هتسيب الوجع
ينهش فى قلبى
اللى انجرح
مين اللى خلى قسوتك
تدبح فى وجدانى الحنين؟!
مين اللى قال لك تصلب قلبى
اللى طول عمره حزين!
لاقلب حاسس لوعتى

ولا إيد تاخذني لسكتي
وأنا اللي كنت فاكراك

جنتي

وانك حياتي ودنيتي

أنا مش هاقول

أمرك غريب

لكن مالکش

في الطيب نصيب

عذبت قلبي جرحتنى

وأنا كنت لك

أوفى حبيب

متى ألقاك ؟

متى ألقاك يا أملى
ويعود القرب بعد فراق
أملى في بكره ترجعلى
ويجمعنا لقا الأشواق
يا أجمل صورة في عنيّ
منقوشه في جدار القلب
ح أعيش العمر اندهلك
ولا أفارق في يوم الدرب

فأنت الفرح لو ضاقت بي
الدنيا مع الاحزان
انت الدفء في صدري
وانت الشوق مع الوجدان
هاشوفك تانى يا عمري
ونروى الحب من البستان
يا أجمل صورة في عنيّ
بتحكى عنها الأيام
وتكتب عنها أشعاري
وتوصفها بأحلى كلام
ح تحكى إني حبيتك
وعشت معايا أحلى غرام
منايا ياروحى ترجع لي
وأشوفك تانى لو في منام

نظرة عينيك

قلبي اللي كان

مليان غرام

أصبح خلاص

من بعد قربك

نبضته

تحضن تغاريد الكلام

تنسى اللي راح

وتفتكر

نظرة عينيك

ورقتك

حتى بأحضان

الملام

مين اللي يقدر غيرك أنت

يملا عيني

مين اللي يقدر

يحتويني إلا انت

اوعى تخلى القسوة

تعرف سكتك

اوعى تقول إن لحظه

ممكن انسى مره نظرتك

عاشق الضی الی جای من سکتک

عاشق هواک وضمتمک

یانبض عایش

فی الوریڈ

یاأحلی کلمه

کتبتھا

ورسمتھا

وعشقتھا

حتی لو کانت بعید

قلبک دا نبع الحب

واحلام الوریڈ

وجع الأُنين

والوجع
وحدى في غربة ليلي
لافف أنينه والوجع
في ديتي
دبح جوايا الفرح
مع إني يادوب
هيرفرف الطير اللي غرد
جوا قلبي اللي انشرح

ماتت معايا فرحتي
وانت اللي ساكن ديتي
والحزن خدني لليل غريب
ساكن روجي واخذها بعيد
احفر طريقك ياوجع
في القلب والشريان
الحزن بعدك والفرح
كفنتهم
ماعادتش تفرق
دمعتي من بسمتي
كل المشاعر طعمها
في الحلق طافح مُرها

وانت اللي راسم سكتي

وكنت تايهه في وحدتي

مش قادره انعى فرقتك

يمكن لأنى

لسه باحلم باللقا

سهرانه أنا

احسب ساعات اللقا

والليل طويل

لافف جذوره على الوريد

والكون عليل

قاعده على الشط الكبير

والموج كثير

حاسه

كأن البحر عارف شكوتي

شاعر بأحزاني

وعاوز صحبتي

والشمس راحت في المغيب

خدت معاها الأمنيات

والوقت فات

والبحر لسه صرخته

رافضه السكات

ورجعت ياقلبي

مليان وجع

مكتوب عليك

انك تعيش عمرك حزين
تايه في أحضان السنين
وحدك في غربة ليل حزين

أُمُّ الْعَيُونِ

يام العيون السود دباحه
والرمش جميل قاتل بالراحه
والننى البنى يرمى بسهمه
والنظرة راشقه بقلبي ومرتاحه
بشويش وحياتك علىّ يا صبتيه
عيونك بتخش القلب ورماحه
يام العيون السود قتاله
بسهم الحب بترمى وفعاله

وخداني بنظرة تعذب وجباره
لما لقيت نفسي بسهامك رحاله
تسقينى الحب ياغداره بقطاره
وخلتيني تعبانه فى حبك محتاره
ياحلوه عيونك دى عجيبه
بتجرح وتداوى وطيبه
تقربنى وتبعدنى عجيبه وغريبه
أعمل إيه ياناس أنا فى حيره
من قلبى العاشق للعيون الجميله

الفهرس

٥	اتحداك
١١	ادارى عليك
١٧	اصرخ
٢١	اعذرنى
٢٥	اعشق ترايك
٢٩	البحر يفكرنى بيك
٣٥	أم الأصالة
٤١	أمنيات
٤٧	أمى يانبع الحنان
٥٣	بيت العز
٥٩	حنان
٦٥	خلص الكلام
٧١	لا يا حبيبى
٧٧	مالكش فى الطيب
٨٣	متى ألقاك؟
٨٧	نظرة عينيك
٩٣	وجع الأنين
١٠١	أم العيون

